

# JARIDA LA MTANDAONI



## NHIF NI NGUZO UENDESHAJI WA HOSPITALI NCHINI - DKT. SEIF

Mfuko wa Taifa wa Bima ya Afya (NHIF) umetajwa kuwa ni moja ya vyanzo vikuu vinavyoweza Vituo vya kutolea huduma za matibabu nchini kujiendesha kutokana na mapato yake kwa vituo kuwa ya uhakika.

Kutokana na hayo, Serikali imeviagiza Vituo vyote nchini kuhakikisha vinawasilisha madai ya malipo ya huduma kwa wakati na madai halali ambayo yamezingatia taratibu na miongozo iliyowekwa katika kuwa-hudumia wanachama wa Mfuko huo.

Akifungua kikao cha Waganga Wakuu wa Mikoa, Waganga Wakuu wa Wilaya na Waganga Wafawidhi wa Vituo nchini, Naibu Katibu Mkuu wa Wizara ya Afya Dkt. Seif Shekhalage, amesema "Bila kuwepo kwa NHIF vituo vitalega kwa sababu tunautege-me huu Mfuko kwa mapatao yenye uhakika,".

Alisisitiza usimamizi katika utoaji wa huduma kwa wanachama wa Mfuko ili madai yanayowasilishwa yawe ni madai halali. "Nawaomba sana suala la usimamizi mlipe kipaumbele, wasilisheni madai halali na kwa wakati na inapotokea kuna madai yamekatwa fuateni taratibu zilizowekwa za kukukana na Mfuko kwa ajili ya majadiliano ili fedha zinazolipwa ziwe halali," alisema.

Akizungumzia Bima ya Afya kwa Wote, amewataka viongozi hao kuhakikisha wanaweka mikakati ya uboreshaji wa huduma katika maeneo yao ili wananchi waone thamani ya kuwa ndani ya mfumo wa bima ya afya.

Alisema Serikali imefanya uwekezaji mkubwa katika miundombinu yote ya utoaji wa huduma za matibabu kuanzia ngazi ya msingi mpaka ngazi ya Taifa hivyo watendaji wahakikishe huduma zinazotolewa ni bora kwa wananchi.





**Bernard Konga**  
Mkurugenzi Mkuu - NHIF

# WANACHAMA WA NHIF KUHAKIKIWA KWA SURA NA ALAMA ZA VIDOLE VITUONI

- ◆ **Lengo ni kurahisisha utambuzi wa wanachama**
- ◆ **Kudhibiti Udanganyifu**

Na Mwandishi Wetu, Dodoma

Katika kurahisisha utambuzi wa wanachama wa Mfuko wa Taifa wa Bima ya Afya (NHIF) katika vituo vya kutolea huduma na kudhibiti vitendo vya udanganyifu, Mfuko umejipanga kuanza kutumia Mfumo wa kuwatambua wanachama wake kwa kutumia Sura na alama za vidole. Hatua hizo zimesemwa na Mkurugenzi Mkuu wa NHIF, Bw. Bernard Konga katika mkutano wa Waganga Wakuu wa Mikoa, Waganga Wakuu wa Wilaya na Waganga Wafawidhi wa Vituo nchini unaofanyika Mkoani Dodoma.

“Ili kwenda na kasi ya ongezeko la idadi ya wanachama katika kuwahudumia kwa haraka, kulipa kwa wakati madai ya watoa huduma na wingi wa vituo, Mfuko unalazimika sasa kuhakiki wanachama wake kwa kutumia Sura na Alama za vidole,”

Alisema kuwa uwasilishaji, uchakataji na Ulipaji wa madai utafanyika kwa njia ya Kielektroniki (e-Claims and online submission) ambapo itasaidia kupunguza matumizi ya fomu lakini pia madai yatalipwa kwa njia ya

Kielektroniki moja kwa moja katika Akaunti za Vituo (e-Claims Payment) ili kuondoa malalamiko ya ucheleweshaji wa madai.

Alisema kuwa Mfuko unalazimika kuchukua hatua hizo ili kuhakikisha huduma zinazotolewa ni bora lakini kulin-da uhai wa Mfuko ambao kwa sasa unatishiwa na wimbi kubwa na udanganyifu lakini pia uwepo wa magonjwa hasa yasiyoambukizwa ambayo yana gharama kubwa kuyatibu.

“Kuna kasi kubwa ya ongezeko la magonjwa yasiyo ya kuambukiza kama vile kisukari, figo, saratani, shinikizo la damu ambayo yana gharama kubwa, ambapo gharama za matibabu hayo zimeongezeka kutoka shilingi bilioni 35.65 mwaka 2016/17 hadi kufikia shilingi bilioni 99.09 mwaka 2021/22 hivyo kuna kila haja ya kuhakikisha Mfuko unalindwa kwa gharama yoyote,” alisema Bw. Konga.

Kutokana na hayo, aliwaomba viongozi hao kuhakikisha wanachama wanaotibiwa katika vituo vyao kuhakikiwa kabla ya kuwapa huduma lakini pia kuwasilisha madai yaliyo halali ili kuepuka kuchelewa kulipwa kwa madai hayo kutokana na viashiria vya udanganyifu.

Bw. Konga amewahakikishia Waganga hao kuwa Mfuko uko tayari kufanya nao kazi kwa ukaribu na ushirikiano mkubwa ili wanachama waweze kupata huduma wana-zozihitaji kwa haraka na kwa ubora.



# HABARI KATIKA PICHA

